

U skladu sa Zakonom o udruženjima i fondacijama BiH (Službene novine BiH br. 32/01, 42/03, 63/08 i 76/11), a na osnovu člana člana 26. stav 1. i člana 47. stav 2. Statuta Udruženja Mreža za ruralni razvoj u Bosni i Hercegovini, Skupština Udruženja na 2. redovnoj sjednici održanoj 14. aprila u Mostaru 2016. donosi:

PRAVILNIK

o članstvu u Udruženju Mreža za ruralni razvoj u Bosni i Hercegovini

OPŠTE ODREDBE

Član 1.

Ovim pravilnikom se uređuju pitanja vezana za:

- a. Postupak prijavljivanja potencijalnih članova i prijema u članstvo u Udruženju Mreža za ruralni razvoj u Bosni i Hercegovini (u daljem tekstu-Mreža),
- b. prava i dužnosti članova,
- c. utvrđivanje iznosa i način plaćanja članarine,
- d. prestanak članstva
- e. sva ostala pitanja koja se tiču članstva u Mreži.

Član 2.

Svaka pravna osoba registrovana kao udruženje ili fondacija u skladu sa odredbama važećih zakona o udruženjima i fondacijama na svim nivoima u BiH, a koja prihvata Statut i ciljeve Mreže radi ostvarivanja svojih interesa u Mreži, može biti član Mreže ako se po svojoj djelatnosti bavi ruralnim razvojem u Bosni i Hercegovini.

Član Mreže ne mogu biti ona pravna lica čiji su program i djelovanje u suprotnosti sa ustavnim poretkom Bosne i Hercegovine, ili su usmjereni ka njegovom nasilnom rušenju ili raspirivanju nacionalne, rasne i vjerske mržnje ili diskriminacije zabranjene zakonom.

Član 3.

Članovi Mreže, uključujući i osnivače uživaju jednaka prava, ravnopravni su sa ostalim članovima i ne uživaju veća ili različita prava u odnosu na ostale članove.

Član Mreže je dužan pridržavati se Statuta i svih drugih akata Mreže, promovisati ruralni razvoj te čuvati ugled Mreže.

Izuzetno, počasni član Mreže može postati i svaka domaća i strana fizička i pravna osoba zbog posebnih zasluga, sponzorstva, pomoći Mreži ili značajnog doprinosa promovisanju Mreže i namjene za koje je Mreža osnovana.

POSTUPAK PRIJAVLJIVANJA I PRIJEMA U ČLANSTVO

Član 4.

Za stupanje u članstvo Mreže, ovlaštena osoba Udruženja ili Fondacije koja aplicira za članstvo podnosi pristupnicu na propisanom obrascu Upravnom odboru mreže.

Obrazac pristupnice za članstvo i potvrde o članstvu u Mreži donosi Skupština Mreže ili drugi organ, a po ovlaštenju datom od Skupštine. Obrasci za potencijalne članove su dostupni u uredu Mreže i na web stranici Mreže.

Član 5.

Upravni odbor na prvoj redovnoj sjednici donosi odluku o prijemu u članstvo. Primljeni član se upisuje u evidenciju članstva i izdaje mu se potvrda o članstvu.

Potvrda o članstvu ima značaj isprave kojom se dokazuje svojstvo člana Mreže.

Mreža vodi popis svojih članova, a evidenciju o članstvu vodi Upravni odbor Mreže.

Član 6.

Prijem u članstvo uskraćuje se pravnim osobama koje ne ispunjavaju kriterijume za članstvo predviđene članom 9. ovog Pravilnika, obrazloženu odluku o uskraćivanju prijema donosi upravni odbor.

U slučajevima opisanim u članu 2. stav 2 ovog Pravilnika prijava neće biti uzeta u razmatranje.

Na odluku iz stava 1. ovoga član može se u roku od 8 dana uputiti prigovor Skupštini Mreže.

Skupština će po prigovoru iz stava 2. ovog člana donijeti odluku na prvoj redovnoj ili vanrednoj sjednici poslije prijema prigovora. Odluka Skupštine Mreže po prigovoru je konačna.

Član 7.

Potvrda o članstvu sadrži sljedeće:

-Naziv člana

-Adresa člana

-Identifikacijski broj člana

- Redni broj člana iz evidencije članstva
- Datum prijema u članstvo

Član 8.

Evidencija članstva sadrži sledeće:

- Redni broj člana
- Pun naziv, adresu i poreski broj člana
- Datum prijema u članstvo
- Kopiju registracionog dokumenta člana
- Odluku o stupanju u Mrežu, koja obavezno mora sadržavati podatke o osobi koja je ispred člana delegirana da ga predstavlja u Mreži, kao i naknade odluke kojima se mijenja delegirani član
- Popunjenu pristupnicu

Član 9.

Kriterijumi za prijem novih članova u Mrežu su:

- Pravno lice je registrovano kao Udruženje, fondacija ili LAG u BiH (dokazuje se kopijama registracionih dokumenata – Izvod iz registra)
- Protiv pravnog lica i njegovog zakonskog zastupnika se ne vodi sudski postupak i nije krivično kažnjavan za teži poslovni prekršaj (dokazuje se ovjerenom izjavom)
- Da su statutarni i programski ciljevi usmjereni na ruralni razvoj u Bosni i Hercegovini (potpisana lista sprovedenih projekata i aktivnosti, pisma preporuke)
- Pravno lice je aktivno (imaju aktivne projekte u zadnjih godinu dana, organizacija bi za ispunjavanje ovog kriterija mora imati realizovana barem 2 projekta u rangu vrijednosti od 10 000 - 50 000 KM, ili barem 1 projekat u rangu vrijednosti iznad 50 000 KM, u prethodnih 5 godina).
- Da posjeduje organizacione i ljudske kapacitete i sposobnosti za implementaciju programa rada i ispunjavanje ciljeva Mreže – minimalno jedno stalno zaposleno lice ili kontinuirano zaposleno/zaposlena lice/lica po ugovoru o radu na određeno u posljednjih godinu dana,
- Da posjeduje materijalne resurse neophodne za rad (kancelarija, sredstva za komunikaciju).

Izuzetno, za prijem LAG-ova u članstvo Mreže ne primjenjuju se kriterijumi iz prethodnog stava koji su definisani alinejama 4. i 5.

PRAVA I OBAVEZE ČLANOVA

Član 10.

Prava članova Mreže su:

- da biraju i budu birani u tijela Mreže;
- da ravnopravno s drugim članovima učestvuju u ostvarivanju ciljeva Mreže
- da neposredno učestvuju u odlučivanju na Skupštini, kao i preko organa Mreže
- da daju prijedloge, mišljenja i sugestije;
- da prate rad Mreže i pokreću inicijative za rješavanje pitanja od interesa za Mreže;
- da budu redovno informisani o radu i rezultatima rada Mreže;
- da u zaštiti svojih prava koriste pomoć Mreže.

Obaveze članova Mreže su:

- da učestvuju u aktivnostima Mreže;
- da savjesno i odgovorno izvršavaju povjerene poslove i zadatke u vezi s radom i aktivnostima Mreže;
- da poštuju Pravilnik o članstvu i Etički kodeks Mreže
- da promovišu djelatnost Mreže, a posebno značaj njenih programskih ciljeva;
- da redovno izvršavaju preuzete obaveze prema Mreži sprovode odluke, stavove i zaključke tijela upravljanja Mreže.
- da plaćaju članarinu na način i u visini koju odredi Skupština;

NAČIN PLAĆANJA ČLANARINE I VISINA ČLANARINE

Član 11.

Svi članovi Udruženja plaća godišnju članarinu u skladu sa odredbama Statuta i ovog Pravilnika.

Visinu i način plaćanja godišnje članarine posebnom odlukom utvrđuje Skupština na prijedlog Upravnog odbora Mreže.

PRESTANAK ČLANSTVA

Član 12.

Članstvo u Mreži prestaje:

- prestankom postojanja pravne osobe člana;
- dobrovoljnim istupanjem iz Mreže;
- neplaćanjem članarine od strane članova propisane odlukom Skupštine, nakon dvije pisane opomene;
- isključenjem usled nepoštovanja Pravilnika o članstvu i ostalih akata Mreže
- narušavanjem ugleda Mreže u javnosti

Član 13.

Svaki član Udruženja može slobodno istupiti iz članstva, davanjem pismene izjave o istupanju Upravnom odboru Mreže uz prethodno izmirivanje svih preuzetih obaveza.

Datum predaje izjave o istupanju je dan prestanka članstva u Mreži.

Član 14.

Isključenje iz članstva se vrši u slučaju kada član Mreže teže povrijedi odredbe Statuta ili Pravilnika o članstvu i Etičkog kodeksa, ili ako djeluje protivno ciljevima i interesima Mreže, kada član kontinuirano i kroz duži vremenski period zanemaruje preuzete obaveze. Odluku o isključenju donosi Upravni odbor.

Protiv odluke Upravnog odbora o isključenju, isključeni član ima pravo žalbe Skupštini u roku od 15 dana od dana prijema odluke. Odluka Skupštine je konačna.

Isključenje iz Mreže povlači sa sobom i opoziv tog člana u tijelima upravljanja, odnosno opoziv kao predstavnika Mreže.

OSTALO

Član 15.

U cilju što lakšeg i efikasnijeg provođenja ovog Pravilnika ali i rješavanja svih eventualnih spornih pitanja vezanih uz članstvo organi Mreže mogu donositi posebne odluke, procedure i sl.

Akte iz stava 1. ovog člana organi Mreže donose u skladu sa ovlaštenjima koja imaju prema Statutu Mreže.

PRELAZNE I ZAVRŠNE ODREDBE

Član 16.

Ukoliko neka odredba ovog Pravilnika nije u skladu sa Zakonom o udruženjima i fondacijama i/ili Statutom Mreže ta činjenica ne utiče na valjanost Pravilnika u cjelini, već se umjesto sporne odredbe primjenjuje odgovarajuća odredba pomenutog Zakona i/ili Statuta.

Član 17.

Izmjene i dopune ovog Pravilnika su u nadležnosti Skupštine a vrše se način i u postupku koji je predviđen za donošenje Pravilnika.

Član 18.

Ovaj Pravilnik stupa na snagu danom donošenja.

Broj: 16-04/16

14.april 2014.godine

Mostar

Predsjednik Skupštine

Ešref Maksumić

